

## AMACULO AKWETHU



### UTHANDO LUKABABA

Uthando lukaBaba  
Lunjengolwandle bo,  
Lubanzi lujulile  
Luyazeka yini pho?

Lwafinyelela kimi  
Ngisezonweni zam'  
Alwaze lwangedlula,  
Lwangisindisa nam'.

O, Baba, ngiyabonga  
Nangenhliziyoyam',  
Sengiyavuma ngithi  
UnguMsindisi wam'.

Ngizokwethemba njalo  
Ngisesemhlabeni,  
Ngizokukhonza futhi  
Ngothando enhlizwen'.



### HLENGIWE

Hlengiwe – limnandi leli zwi,  
Hlengiwe ngegazi leMvana,  
Hlengiwe ngomusa nothando;  
Ngenziwe sengaba ngumntwana.

*Hlengiwe, hlengiwe,  
Hlengiwe ngegazi leMvana;  
Hlengiwe, hlengiwe,  
Ngenziwe sengaba ngumntwana.*

Hlengiwe – o, yek' intokozo,  
Ulimi lungephumisele  
Lokh' engikuzway' enhlizweni,  
Kumnandi, kumnandi, igcwele.

Ngimkhumbul' uJesu, uMhlengi,  
Ngimkhumbul' amalanga onke;  
Ngihuba, ngihamb' endleleni  
Ihubo lezinsuku zonke.

Ngiyazi ngombona masinya,  
Ishilo kanjalo iNkosi;  
Nxa eselilanda iBandla,  
O, yeka, bukhul' ubukhosi!

Ngiyazi ikhona nemqhele  
Eyibabekelwe abayo;  
Izowaqhelis' amaqhawe,  
Ngosuk' olukhul' oluzayo.



## **ESANDLENI SOMUSA**

Ngomsindis' onami la empini,  
Ngiyagcinwa noma kungathini.  
Ungisith' ezivunguvungwini  
Esandleni somusa.

*Esandleni somusa,  
Esandleni somusa,  
Ngiyagcinwa noma kungathini,  
Esandleni somusa.*

Ungigona ngezingalo zakhe  
Ngiyathokozisw' amazwi akhe,  
Ngiyalondwa ngobuqhawe bakhe  
Esandleni somusa.

Yena akasoze angiyeke,  
Ngingehlwithwe futhi kuye, ngeke;  
Ngoba ungiphethe ngesineke  
Esandleni somusa.



## **YEKA INHLANHLA**

We Bathandwa, yek' inhlanhla  
Yokukholwa nguy' uJesu,  
Nokuphathw' ezakh' izandla,  
Asiyis' ekhaya ngale  
*Thula manje, we nhliziyo,*  
*Sengifun' ukulalela*  
*Leli lizwi elimiyo*  
*LoMsindis' owangophula.*

Emhlaben' izinhlopheko  
Zithikaz' ihubo lethu,  
Kodwa lapho zingasekho  
Yoqhubeka inhlokomo.

Lapha njalo sehlukana  
Kuyavam' izinyembezi,  
Kodwa lapho sohlangana  
`Yoba nkulu intokozo.

Ma' ngabikho osalayo  
Mhla `bangcwele sebebizwa;  
Nxa iNkosi ivalayo  
Angabikh' odumalayo.



## **KANYE NAWE NKOSI YAMI**

Namhla ngiyaqhutshw' umoya  
`Kuthandaza, Nkosi yami;  
Ngiyacela, mangihambe  
Kanye nawe, Nkosi yami.

*Kanye nawe, Nkosi yami,  
Kanye nawe, Nkosi yami;  
Mangihamb' imihla yonke  
Kanye nawe, Nkosi yami.*

Angifun' eyam' indlela,  
Mayiphel' intando yami;  
Mangihambe mina kodwa  
Kanye nawe, Nkosi yami.

Angifisi yon' imfuyo  
Ize kimi, Nkosi yami;  
Ngicebile, he, kakhulu  
Nxa ukimi, Nkosi yami.

Nom' indlela inohlupho  
Noma inde, Nkosi yami;  
Noma iya eGolgotha,  
Ngiye nawe, Nkosi yami.

Lilungil' ijokwe lakho,  
Awuhluph' umthwalo wami;  
Ngiyabonga ngisahamba  
Kanye nawe, Nkosi yami.



## **NGAPHESHEYA**

Ngomsa wakh' omkhulu  
uyosiholela  
Embuswen' wezulu  
ngaphesheya;  
Nom' indlela yakhe  
idin' umntanakhe,  
Iy' ekhaya lakhe  
Ngaphesheya.

*Ngaphesheya,  
ngaphesheya;  
Siyokuphumula,  
siyokujabula;  
Ngaphesheya,  
Ngaphesheya  
Nxa sifik' ezweni  
Ngaphesheya.*

Nom' usiholela  
nasehlan' elibi  
Wosiphumisela  
ngaphesheya  
`Mlilo ukhanyisa  
nefu lisisitha  
Konke kusiyisa  
ngaphesheya.

`Nkosi yamakhosi  
iyosiholela,  
Kwelivam' inyosi,  
ngaphesheya  
Siyokudl' emthini,  
siphuz' emanzini,  
Sohub' eNkosini,  
ngaphesheya.

Sesethemba sithi:  
Uyosiholela  
Siye kwelakithi  
ngaphesheya  
`Jesu wosophula  
mhla sowel' umfula  
Khona siyocula  
ngaphesheya.



## MALENANELE IZULU

Lenan' izulu ngeculo lami,  
Ngithethelelwe izono zam'!  
UJesu wafa `ndaweni yami,  
Izono zami zikude nam';

*Njengenhlukeno yempumalanga  
nentshonalanga, zikude le.  
Ushilo njalo, akanamanga;  
ngethemba kuye ngimbonga nje.*

Sengiyahamba ekukhanyeni  
Igazi liyangihlanza, qhwa.  
Uyangigcina nasothandweni  
Ngiphathwa njalo ngomusa, dwa.

*Noma ngiyize la' othulwini,  
ngiyindlalifa yeNkosi le.  
Imfuyo yami isezulwini,  
igcinwe kahle impela, he!*

Nale njabulo esenginayo  
ngingeyephucwe nanini qha!  
Noma ngihlezi, ngizindla ngayo  
imyalo yakhe inzima na?

*Uhlala kimi, ngihlala kuye  
nguyen' owenz' umsebenzi la.  
Kozinikela, aphathwe nguye,  
uyamnqobela nezitha nya.*

Anduba ngiyakumbona khona  
ekhaya lakhe, phezulu ha.  
Bazokhanyis' okwelanga bona  
abamlandel' emhlabeni la.

*Yebo-ke nawe ongakakholwa  
uyabizelw' enhlanhleni bo;*

*Lo mus' ongaka sewungatholwa,  
wenele bonke umusa lo.*



## **SIQONDA EKHAYA**

Siqonda ekhaya, nithini na?  
Masingathiyeki ngalutho la!  
Nxa sikhola lapha, sobona le,  
Sohlala noJesu kukuhle hle.

*Yebo, bakithi, sombonga, he,  
Loduma izulu linkeneze, nke!  
UJes' ufanel' ubukhosi nje,  
Ehe, wodunyiswa phezulu le.*

Bodade nabafo, kunjani na?  
Uma nikhathazwa, hubani la;  
`Khon' im'thwalo le yoba lula nje,  
nobamba kalula indlela-ke.

Bhekani kuJes' onguMholi-ke,  
Nophiwa amandla nguyena, he.  
UJesu unathi ngoMoya la,  
kepha-ke ngale siyombona, he.



>> [UMNDENI WAKWETHU](#)